

**УМУМИЙ ЎРТА ТАЪЛИМ ЎҚУВЧИЛАРИДА АНИҚМАС ВА
АНИҚ ИНТЕГРАЛЛАР МАВЗУЛАРИНИ ТУШУНТИРИШДА
АМАЛИЙ МАНБУЛАРЛАР САМАРАСИНИ ОШИРИШНИНГ БИР
НЕЧТА УСУЛЛАРИ**

Солаева Меҳрибон Норимоновна

Тошкент вилоят Чирчиқ давлат педагогика институти

Аннотация: Ушбу мақолада умумий ўрта таълимда аниқмас ва аниқ интегралларни ўргатишда амалий дарслар самарадорлигини ошириш учун бир нечта мисол ва масалаларнинг ўрнини таҳлил қиламиз. Бундан ташқари умумий ўрта таълим битирувчиларини олий таълим муассасаларига кириш имтихонларига тайёргарлигини самарали ташкил қилиш ҳам таҳлил қилинади.

Калит сўзлар: функция, аниқмас интеграллар, аниқ интеграллар, аниқинтегралларда бўлаклар ва ўзгарувчи алмаштириш усуллари.

**SEVERAL WAYS TO INCREASE THE EFFECTIVENESS OF
PRACTICAL TRAININGS IN EXPLAINING THE SUBJECT OF
UNKNOWN AND EXPRESS INTEGRALS IN GENERAL SECONDARY
SCHOOL STUDENTS**

Solaeva Mehribon Norimonovna

Tashkent region Chirchik State Pedagogical Institute

Abstract: in this article, we will analyze the situation of several examples and questions to improve the effectiveness of practical classes on teaching indefinite and definite integrals in general secondary education. In addition, the effective organization of the preparation of graduates of general secondary education to receive benefits for admission to higher education institutions is evaluated.

Keywords: function, indefinite integrals, exact integrals, divisibility in integers and methods of variable substitution.

Ҳар бир табиий, аниқ фанлар математика фанига боғлиқ ва математика фанининг бу фанлар ривожигаги ўрни катта бўлиб

ҳисобланади. Масалан аниқ ва аниқмас интеграллар мавзуларини оладиган бўлсак, бу мавзунинг жуда кўп фанларга алоқадорлигини ва бу фанларнинг баъзи бўлимларида ўз ўрни борлигини кўришимиз мумкин. Шулардан келиб чиққан ҳолда ўқувчиларга аниқ ва аниқмас интеграллар мавзуларини ва уларнинг тадбиқларини қандай тушунтириш мумкин? Саволига ушбу мақолада жавоб берамиз. Яъни бир қатор функцияларнинг аниқмас интегралларини ҳисоблаш ва аниқ интегралларни топиш усулларини кўрсатиб ўтамиз. Шу билан бир қаторда умумий ўрта таълим ўқувчиларининг математика дарсларида фаоллаштириш ва фанга бўлган қизиқишларини оширишга ҳам эътибор қаратамиз.

Эндиликда биз қуйида аниқмас интеграллар ҳамда аниқ интеграллар мавзуларини ўқувчилар ўзлаштиришларидаги бир қатор фаоллаштириш учун мисол ва масалалар ҳамда уларни ечиш усулларини кўриб ўтамиз.

Мисол: $\int (6x^2 - 3x + 5)dx$ аниқмас интегрални ҳисобланг.

Ечиш: бу мисолни ечиш учун юқоридаги қоида ва хоссалардан

фойдаланамиз
$$\int (6x^2 - 3x + 5)dx = \int 6x^2 dx - \int 3x dx + \int 5 dx = 6 \int x^2 dx - 3 \int x dx + 5 \int dx =$$

Шу ва шунга ўхшаган мисоллар ёрдамида мактаб ўқувчиларига интеграллаш қоидалари ва хоссаларини ўргатиш мумкин. Бундай мисоллар ёрдамида ўқувчилар бир мунча мавзу тўғрисида тушунчага эга бўлади ва зинама-зина методини қўллашга асос бўлади дейиш мумкин. Сабаби ушбу мисол осон бўлиб ўқувчиларга осонлиқдан қийинликка босқичма-босқич мавзунини ўргатишда асос бўлади.

Кейинги масалалардан бири бу аниқ интегралларда интеграллаш усулларига оид мисол ва масалалар ечишни ўргатишдир. Бугунги кунга келиб олий таълим муассасаларига кириш имтихонларида интеграллаш усулларига оид бир қатор мисоллар учраб туради. Масалан интеграллашда ўзгарувчиларни алмаштириш ва бўлаклар интеграллаш каби усуллар

ёрдамида ечимини топиш мумкин бўлган мисоллар бор. Шунинг учун қуйида бир нечта мисолларни таҳлил қиламиз.

Мисол: $\int \sin^3 x \cos x dx$ интегрални ҳисобланг.

Ушбу мисолни икки ҳил усулда ҳисоблаш мумкин. Бу иккала усул ҳам ўзгарувчиларни алмаштириш усулига таянади.

1) Биринчи усул шундан иборатки интеграл белгиси остидаги ифоданинг бир қисмини дифференциаллаш белгиси остига киритамиз. $\int \sin^3 x \cos x dx = \int \sin^3 x d(\sin x)$ бу ифодадан $t = \sin x$ белгилаш киритамиз. Бундан интеграл қуйидаги кўринишга келади. $\int \sin^3 x d(\sin x) = \int t^3 dt$ бу эса оддий даражали функциянинг интегралли эканлиги кўриниб турибди. Демак $\int t^3 dt = \frac{t^4}{4} + C = \frac{\sin^4 x}{4} + C$ эканлиги келиб чиқади ва мисол ишланди.

2) Энди бу мисолни ишлашнинг иккинчи усулига тўхталадиган бўлсак иккинчи усулда худди шу қилинган ишлар бажарилади фақат дифференциаллаш белгиси остига киритилмайди яъни, $t = \sin x$ белгилаш киритилади ва $dt = d(\sin x) = \cos x dx$ эканлигида бажарган белгилашларимизни ўрнига қўйиб чиқамиз.

$\int \sin^3 x \cos x dx = \int t^3 dt = \frac{t^4}{4} + C = \frac{\sin^4 x}{4} + C$ эканлиги келиб чиқади. Бу икки усул бир ҳил маънони англатади ва фарқ қилмайдигандай туюлади лекин аслида баъзида белгилаш киритганда иккинчи усули қўл келади. Сабаби биринчи белгилаш киритиш усулида интеграл остидаги қайси ифодани дифференциаллаш белгиси остига киритиш кераклигини ажратиб олиш қийин бўлиб қолиши мумкин.

Масалан: $\int \sqrt{1-x^2} dx$ аниқмас интегрални ҳисобланг.

Ушбу интегрални ҳисоблашда x ўзгарувчини $x = \sin t$ каби белгилаш киритиш қулайроқ. Чунки иррационал ифоданинг остидан маълум бир ифода чиқади. Яъни $dx = d(\sin t) = \cos t dt$ белгилашларни ўз ўрнига олиб

бориб қўйилса у ҳолда $\int \sqrt{1-x^2} dx = \int \cos t \cdot \cos t dt = \int \cos^2 t dt$ ифодага келамиз ва бу интегрални триганаметрик функциялар хоссаларидан фойдаланиб яъни даража пасайтириб ҳисоблаймиз. $\int \cos^2 t dt = \int \frac{1+\cos 2t}{2} dt$ бу ифодадан юқоридаги хоссалардан ўзгармас сонни интеграл белгиси ташқарисига чиқариш мумкинлигидан, $\int \frac{1+\cos 2t}{2} dt = \frac{1}{2} \int (1+\cos 2t) dt = \frac{1}{2} (t + \frac{1}{2} \sin 2t + C)$ эканлигини топамиз. Охирги ифодада белгилаш киритилганлиги учун ўзгарувчиларни ўз ўрнига қўйишдан олдин соддалаштириб оламиз. $x = \sin t$ белгилаш киритилган эди бундан $t = \arcsin x$ эканлиги келиб чиқади. $\frac{1}{2} (t + \frac{1}{2} \sin 2t + C) = \frac{1}{2} t + \sin t \cos t + C = \frac{1}{2} \arcsin x + x\sqrt{1-x^2} + C$ демак жавоб $\int \sqrt{1-x^2} dx = \frac{1}{2} \arcsin x + x\sqrt{1-x^2} + C$ эканлиги келиб чиқди.

Албатта мисолларни даражасига қараб бу усул ва бундай мисоллар мактаб ўқувчилари учун мураккаблик қилиши мумкин. Шу сабабдан албатта бу усулни келиб чиқиши ва қўлланилаишини тўлиқ тушунтириб бериш шарт.

Бўлаклаб интеграллаш: фараз қилайлик $u = f(x)$ ва $v = g(x)$ лар x нинг иккита функцияси ва улар $u' = f'(x)$ ва $v' = g'(x)$ узлуксиз ҳосилаларга эга бўлсин. У вақтда икки функция кўпайтмани ҳосиласини олиш қоидасига кўра $(uv)' = u'v + uv'$ ёки $d(uv) = u dv + v du$ ёки $u dv = d(uv) - v du$ бўлади; $d(uv)$ ифода учун, шубҳасиз, uv бошланғич функция бўлади: шунинг учун $\int u dv = uv - \int v du$ формула ўринлидир.

Бу формула бўлаклаб интеграллаш қоидасини ифодалайди. Юқоридаги келтириб чиқарган формуламиз бўлаклаб интеграллаш формуласини беради ва бу формула икки функция кўпайтмасининг ҳосиласидан келиб чиққан. Энди бу формулани мисолларда тушунтирсак.

Масалан: $\int x \cos x dx$ аниқмас интегрални ҳисобланг.

Бу интегрални ҳисоблашда бўлақлаб интеграллаш формуласидан фойдаланамиз. Яъни $\cos x$ функцияни дифференциаллаш белгиси остига киритамиз ва интеграл қуйидаги кўринишга келади. $\int x \cos x dx = \int x d(\sin x)$ бу ифодада $u = x$, $v = \sin x$ каби белгилаймиз ва юқоридаги формуладан фойдаланамиз. $\int x d(\sin x) = x \sin x - \int \sin x dx = x \sin x + \cos x + C$ эканлиги келиб чиқади.

$$\int_0^{\frac{\pi}{2}} \sin x \cos^2 x dx \text{ аниқ интегрални ҳисобланг.}$$

Шу каби мисоллар мактаб дарсликларида ёки тестларида учраса у ҳолда бу мисолни ўзгарувчи алмаштириш методи ёрдамида ишлаймиз. Бунинг учун қуйидагича амал бажарамиз.

$$\int_0^{\frac{\pi}{2}} \sin x \cos^2 x dx = - \int_0^{\frac{\pi}{2}} \cos^2 x d \cos x \quad \text{яъни битта ўзгарувчини дифференциал}$$

белгиси остига киритилади. $-\int_0^{\frac{\pi}{2}} \cos^2 x d \cos x = -\frac{\cos^3 x}{3} \Big|_0^{\frac{\pi}{2}} = 0 - (-\frac{1}{3}) = \frac{1}{3}$ ва натижага эга бўламиз.

Энди аниқмас интегралнинг бўлақлаб интеграллаш усулини аниқ интеграллар учун кўриб чиқамиз.

$$\text{Мисол: } \int_0^1 \arcsin x dx \text{ аниқ интегрални ҳисобланг.}$$

Ечиш: ушбу мисолни ечиш учун аниқ интегралда ҳам худди аниқмас интегралдаги каби бўлақлаб интеграллаш амалини бажарамиз. Бунинг учун,

$$\int_0^1 \arcsin x dx = [u = \arcsin x, du = \frac{1}{\sqrt{1-x^2}} dx, dv = dx, v = x] \quad \text{каби белгилашларни}$$

амалга оширамиз ва $\int_0^1 \arcsin x dx = x \arcsin x \Big|_0^1 - \int_0^1 \frac{x}{\sqrt{1-x^2}} dx$ ва интегралнинг

иккинчи қисмига белгилаш киритиш усулини қўлаймиз.

$$x \arcsin x \Big|_0^1 - \int_0^1 \frac{x}{\sqrt{1-x^2}} dx = x \arcsin x \Big|_0^1 - \frac{1}{2} \int_0^1 \frac{dx^2}{\sqrt{1-x^2}} =$$

эканлиги келиб чиқади.

$$x \arcsin x \Big|_0^1 - \frac{1}{2} \int_0^1 \frac{dt}{\sqrt{1-t}} = x \arcsin x \Big|_0^1 - \sqrt{1-t} \Big|_0^1 = \frac{\pi}{2} - 1$$

Хулоса: Биз юқорида аниқ интеграл ҳисоблашда бўлаклар интеграллаш ва ўзгарувчи алмаштириш усуллари кўриб чиқдик. таъкидлаб ўтиш лозимки бугунги кунга келиб олий таълим муассасаларига кириш имтихонларида Ушбу усуллар ёрдамида ечимини топиш мумкин бўлган мисол ва масалалар бериб ўтилган. Шунинг учун ҳам ҳозирги кунда умумий ўрта таълимда аниқмас ва аниқ интеграллар ҳисоблаш усуллари ўргатишда юқоридаги каби бир қатор мисол ва масалалардан фойдаланиш самарали натижалар берибгина қолмасдан ўқувчиларнинг фанга бўлган қизиқишларини ҳам оширади.

Фойдаланилган адабиётлар

1. М.А.Мирзааҳмедов, Ш.Н.Исмаилов, А.Қ.Аманов. Математика: - 11-синф учун дарслик. Тошкент- 2018.

2. Ш.Р.Хуррамов Олий математика. И жилд Чўлпон номидаги нашриёт- матбаа ижодий уйи Тошкент -2018.

3. Ф.А.Ахмедова, М.М.Хабибуллина, М.Р.Ахмадеева. “Математика ва информатика” фанларидан мавзулаштирилган тестлар тўплами. Тошкент “Спеструм медиа групп” нашриёти 2017й

4. M.N.Solayeva TEACHING THE CONCEPT OF LIMIT WITH THE HELP OF PEDAGOGICAL RESEARCH, INTERDEPENDENCE OF DISCIPLINES AND METHODS OF PEDAGOGICAL PRACTICE”, European Journal of Research and Reflection in Educational Sciences Vol. 8 No. 5, 2020, Part I ISSN 2056-5852

5. Ф.С.Актамов, А.Ж.Сейтов. М.Н.Солаева. “Умумий ўрта таълим мактабларида Функцияларни ҳосила ёрдамида таҳлил Қилинишининг ноъанавий усуллари, FIZIKA, МАТЕМАТИКА va ИНФОРМАТИКА 2020/5 115-121 Betlar.

6. Солаева М.Н., Эшқораев Қ.А., Сейтов А.Ж. Баъзи бир мисолларни ажойиб лимитлар ёрдамида Ноанъанавий услублардан фойдаланиб ечиш

усуллари. Муаллим ҳам узлуксиз таълим 1-1 2020 йил 109-113 бетлар

7. Солаева, М. Н Умумий ўрта таълим мактабларида фанлараро боғлиқлик. The journal of Academic research in Educational sciences Issn 2181-1385 Volume 1, issue 3 November 2020, 1 (3), 315-320.